



2023/2460

6.11.2023

RIALACHÁN TARMLIGTHE (AE) 2023/2460 ÓN gCOIMISIÚN

an 22 Lúnasa 2023

lena bhforlíontar Rialachán (AE) Uimh. 1380/2013 ó Pharlaimint na hEorpa agus ón gComhairle a mhéid a bhaineann le díolúine *de minimis* a bhunú ón oibleagáid gabhálacha a thabhairt i dtír i gcás iascaigh pheiligeacha beaga áirithe sa Mheánmhuir

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 1380/2013 ó Pharlaimint na hEorpa agus ón gComhairle an 11 Nollaig 2013 maidir leis an gComhbheartas Iascaigh, lena leasaítear Rialacháin (CE) Uimh. 1954/2003 agus (CE) Uimh. 1224/2009 ón gComhairle agus lena n-aisghairtear Rialacháin (CE) Uimh. 2371/2002 agus (CE) Uimh. 639/2004 ón gComhairle agus Cinneadh 2004/585/CE ón gComhairle ⁽¹⁾, agus go háirithe Airteagal 15(7) de,

De bharr an mhéid seo a leanas:

- (1) Tá sé d'aidhm ag Rialachán (AE) Uimh. 1380/2013 deireadh a chur le hábhar muirí aischurtha de réir a chéile i ngach iascach san Aontas trí oibleagáid gabhálacha a thabhairt i dtír a thabhairt isteach maidir le gabhálacha speiceas atá faoi réir teorainneacha gabhála. Sa Mheánmhuir, tá feidhm aige freisin maidir le gabhálacha speiceas atá faoi réir íosmhéideanna tagartha caomhnaithe mar a liostaítear in Iarscríbhinn IX a ghabhann le Rialachán (AE) 2019/1241 ó Pharlaimint na hEorpa agus ón gComhairle ⁽²⁾.
- (2) De bhun Airteagal 15(1)(a) de Rialachán (AE) Uimh. 1380/2013, tá feidhm ag an oibleagáid gabhálacha a thabhairt i dtír maidir le hiascaigh pheiligeacha bheaga ón 1 Eanáir 2015.
- (3) Chun costais dhíréireacha a sheachaint a bhaineann le gabhálacha de thaisme a láimhseáil, le Rialachán Tarmligthe (AE) 2018/161 ón gCoimisiún ⁽³⁾, ceadaiodh céatadán beag gabhálacha de na speicis atá faoi íosmhéideanna tagartha caomhnaithe a aischur. Rinneadh foráil leis maidir le díolúine *de minimis* comhcheangailte a bhfuil feidhm aici maidir le hiascaigh pheiligeacha bheaga a úsáideann tráil mheánuisce agus/nó peaslíonta saighne agus lena ngabhthar ainseabhaith, sairdíní, ronnaigh Atlantacha agus bolmáin i bhfolimistéir gheografacha 1, 2, 5, 6, 7, 8, 9, 10, 11.1, 11.2, agus 12 de chuid an Choimisiúin Ghinearálta Iascaigh don Mheánmhuir (CGIM); 17 agus 18 (Muir Aidriad); agus 15, 16, 19, 20, 22, 23 agus 25 (oirdheisceart na Meánmhara). Le Rialachán Tarmligthe (AE) 2020/2012 ón gCoimisiún ⁽⁴⁾, cuireadh síneadh le cur i bhfeidhm na díolúine *de minimis* comhcheangailte go dtí an 31 Nollaig 2023.
- (4) I mí na Bealtaine 2023, Grúpa Ardleibhéil Pescamed sa Mheánmhuir Thiar (an Spáinn, an Fhrainc agus an Iodáil), Grúpa Ardleibhéil Mhuir Aidriad i Muir Aidriad (an Chróit, an Iodáil agus an tSlóivéin) agus Grúpa Ardleibhéil Sudestmed in oirdheisceart na Meánmhara (an Chipir, an Ghréig, an Iodáil agus Málta), chuir siad moltaí comhpháirteacha tosaigh isteach inar iarradh síneadh a chur leis na díolúintí *de minimis* a leagtar síos i Rialachán Tarmligthe (AE) 2018/161.
- (5) An 15 Meitheamh 2023 rinne an Coiste Eolaíoch, Teicniúil agus Eacnamaíoch um Iascach ('CETEF') measúnú ar an bhfianaise eolaíoch lena dtacaítear leis na moltaí comhpháirteacha tosaigh ⁽⁵⁾.

⁽¹⁾ IO L 354, 28.12.2013, lch. 22.

⁽²⁾ Rialachán (AE) 2019/1241 ó Pharlaimint na hEorpa agus ón gComhairle an 20 Meitheamh 2019 maidir le hacmhainní iascaigh a chaomhnú agus éiceachórais mhuirí a chosaint trí bhearta teicniúla, lena leasaítear Rialacháin (CE) Uimh. 1967/2006 agus (CE) Uimh. 1224/2009 ón gComhairle agus Rialacháin (AE) Uimh. 1380/2013, (AE) 2016/1139, (AE) 2018/973, (AE) 2019/472 agus (AE) 2019/1022 ó Pharlaimint na hEorpa agus ón gComhairle, agus lena n-aisghairtear Rialacháin (CE) Uimh. 894/97, (CE) Uimh. 850/98, (CE) Uimh. 2549/2000, (CE) Uimh. 254/2002, (CE) Uimh. 812/2004 agus (CE) Uimh. 2187/2005 ón gComhairle (IO L 198, 25.7.2019, lch. 105).

⁽³⁾ Rialachán Tarmligthe (AE) Uimh. 2018/161 ón gCoimisiún an 23 Deireadh Fómhair 2017 lena mbunaítear díolúine *de minimis* ón oibleagáid gabhálacha a thabhairt i dtír i gcás iascaigh pheiligeacha bheaga áirithe sa Mheánmhuir (IO L 30, 2.2.2018, lch. 1).

⁽⁴⁾ Rialachán Tarmligthe (AE) 2020/2012 ón gCoimisiún an 5 Lúnasa 2020 lena leasaítear Rialachán Tarmligthe (AE) 2018/161 lena mbunaítear díolúine *de minimis* ón oibleagáid gabhálacha a thabhairt i dtír i gcás iascaigh pheiligeacha bheaga áirithe sa Mheánmhuir, a mhéid a bhaineann lena tréimhse feidhme (IO L 415, 10.12.2020, lch. 1).

⁽⁵⁾ An Coiste Eolaíoch, Teicniúil agus Eacnamaíoch um Iascach (CETEF) – Meastóireacht ar na Moltaí Comhpháirteacha i ndáil leis an oibleagáid gabhálacha a thabhairt i dtír agus leis an Rialachán maidir le Bearta Teicniúla (CETEF-23-04 & 23-06).

- (6) Maidir leis na costais dhíreireacha a bhaineann le gabhálacha de thaisme a láimhseáil agus leibhéal na ngabhálacha de thaisme, cé gur thug CETEI dá aire go bhfuil feabhas tagtha ar an bhfaisnéis sin, tá gá le tuilleadh oibre maidir le bailiú sonraí le haghaidh cabhlaigh shonracha.
- (7) Maidir leis na sonraí agus an fhaisnéis faoi chostais dhíreireacha a bhaineann le bainistiú na ngabhálacha de thaisme a láimhseáil arna soláthar ag Grúpa Ardleibhéil Mhuir Aidriad agus ag Grúpa Ardleibhéil Pescamed, thug CETEI dá aire gur léirigh na staidéir a rinneadh nach féidir roghnaíocht a mhéadú agus na costais dhíreireacha a bhaineann le bainistiú na ngabhálacha de thaisme.
- (8) Maidir leis na sonraí agus an fhaisnéis maidir leis na costais dhíreireacha a bhaineann le gabhálacha de thaisme a láimhseáil arna soláthar ag Grúpa Ardleibhéil Sudestmed do shoithí a úsáideann peaslíonta saighne, cé go neartaíonn an fhaisnéis a sheol an Ghréig an t-údar atá leis an díolúine, thug CETEI dá aire go bhfuil gá le tuilleadh oibre chun measúnú a dhéanamh ar ionadaíocht na faisnéise sin do chabhlaigh eile Ghrúpa Ardleibhéil Sudestmed atá ag feidhmiú in Oirdheisceart na Meánmhara. Thug CETEI dá aire freisin leibhéal íseal an ábhair mhuirí aischurtha.
- (9) An 27 Meitheamh 2023, rinne Grúpa Ardleibhéil Sudestmed moltaí comhpháirteacha nuashonraithe a chur isteach agus an 28 Meitheamh 2023 rinne Grúpa Ardleibhéil Mhuir Aidriad agus Grúpa Ardleibhéil Pescamed moltaí comhpháirteacha nuashonraithe a chur isteach.
- (10) Faoi Airteagal 18 de Rialachán (AE) Uimh. 1380/2013, rinne an Coimisiún breithniú ar na moltaí comhpháirteacha nuashonraithe ó Ghrúpa Ardleibhéil Pescamed, Grúpa Ardleibhéil Mhuir Aidriad agus Grúpa Ardleibhéil Sudestmed i bhfianaise mheasúnú CETEI ar an moladh comhpháirteach tosaigh chun a áirithiú go bhfuil an moladh comhpháirteach nuashonraithe comhoiriúnach leis na bearta caomhnaithe ábhartha de chuid an Aontais, lena n-áirítear an oibleagáid gabhálacha a thabhairt i dtír.
- (11) Chuir an Coimisiún an méid seo a leanas san áireamh freisin: (i) leis an meastóireacht a dhéanfar go luath ar an oibleagáid gabhálacha a thabhairt i dtír⁽⁶⁾, meastar go soláthrófar tuilleadh faisnéise maidir le héifeachtacht, éifeachtúlacht, comhleanúnachas, ábharthacht agus breisluach na hoibleagáide gabhálacha a thabhairt i dtír; agus (ii) thug an Coiste Eolaíoch, Teicniúil agus Eacnamaíoch um Iascach (CETEI) dá aire gur neamhéifeachtúil an próiseas atá ann faoi láthair chun meastóireacht a dhéanamh ar mholtaí comhpháirteacha, gur gá tuilleadh machnaimh a dhéanamh maidir leis an gcaoi ar féidir tuilleadh feabhais a chur air agus go bhféadfaí, le machnamh den sórt sin, plé a dhéanamh ar shaincheisteanna sonraí agus bealaí nua a aimsiú chun feabhas a chur ar chur chun feidhme na hoibleagáide gabhálacha a thabhairt i dtír.
- (12) Tugann an Coimisiún dá aire freisin go ngabhtar speicis sa Mheánmhuir i gcomhthráth, agus i gcainníochtaí an-éagsúil, rud a fhágann go mbíonn cur chuige stoic aonair dúshlánach. Ina theannta sin, gabhann soithí iascaireachta beaga na speicis sin agus tugtar i dtír iad ag go leor pointí tabhairt i dtír difriúla thar raon leathan geografach feadh an chósta. Is é an toradh atá air sin go bhfuil costais dhíreireacha ann maidir le gabhálacha de thaisme a láimhseáil.
- (13) Sna moltaí comhpháirteacha nuashonraithe ó na Ballstáit, rinne siad a dtiomantas a athnuachan chun tuilleadh feabhais a chur ar bhailiú sonraí le haghaidh cabhlaigh shonracha chun ionadaíocht níos fearr a bheith acu ar na sonraí.
- (14) Ar na cúiseanna a leagtar amach in aithrisí (4)-(13) thuas, agus chun costais dhíreireacha a sheachaint a bhaineann le gabhálacha de thaisme a láimhseáil agus le cur isteach ar ghníomhaíochtaí na n-iascach lena mbaineann agus ar na gníomhaíochtaí eacnamaíocha gaolmhara, measann an Coimisiún, dá bhrí sin, gur cheart na díolúintí a dheonú ón 1 Eanáir 2024 go dtí an 31 Nollaig 2027.
- (15) Ós rud é go bhfuil tionchar díreach ag na bearta dá bhforáiltear sa Rialachán seo ar phleanáil an tséasúir iascaireachta maidir le soithí an Aontais agus ar na gníomhaíochtaí eacnamaíocha a bhaineann leo, agus ar chúiseanna deimhneachta dlíthiúla, ba cheart feidhm a bheith ag an Rialachán seo ón 1 Eanáir 2024,

TAR ÉIS AN RIALACHÁN SEO A GHLACADH:

Airteagal 1

An oibleagáid gabhálacha a thabhairt i dtír a chur chun feidhme

Maidir leis an oibleagáid gabhálacha a thabhairt i dtír dá bhforáiltear in Airteagal 15(1) de Rialachán (AE) Uimh. 1380/2013, beidh feidhm aici in uiscí an Aontais sa Mheánmhuir i gcomhréir leis an Rialachán seo.

⁽⁶⁾ COM(2023) 103 final.

*Airteagal 2***Sainmhíithe**

Chun críocha an Rialacháin seo, tá feidhm ag na sainmhíithe seo a leanas:

- (a) ciallaíonn ‘speiceas atá faoi réir íosmhéide’ aon speiceas a liostaítear in Iarscríbhinn IX a ghabhann le Rialachán (AE) 2019/1241;
- (b) ciallaíonn ‘an Mheánmhuir’ uiscí farraige na Meánmhara soir ó líne 5°36’ I;
- (c) ciallaíonn ‘Fo-limistéar Geografach de chuid CGIM’ Fo-limistéar Geografach de chuid an Choimisiúin Ghinearálta Iascaigh don Mheánmhuir (CGIM), mar a shainmhínítear in Iarscríbhinn I a ghabhann le Rialachán (AE) Uimh. 1343/2011 ó Pharlaimint na hEorpa agus ón gComhairle ⁽⁷⁾;
- (d) Ciallaíonn ‘iarthar na Meánmhara’ Folimistéir Gheografacha 1, 2, 5, 6, 7, 8, 9, 10, 11.1, 11.2 agus 12 de chuid GFCM;
- (e) Ciallaíonn ‘oirdheisceart na Meánmhara’ Folimistéir Gheografacha GFCM 15, 16, 19, 20, 22, 23 agus 25;
- (f) ciallaíonn ‘Muir Aidriad’ Folimistéir Gheografacha 17 agus 18 de chuid CFCM.
- (g) ciallaíonn ‘Muir Aidriad Theas agus an Mhuir Iónach’ Folimistéir Gheografacha 18, 19 agus 20 de chuid CFCM.

*Airteagal 3***Díolúintí de minimis**

De mhaolú ar Airteagal 15(1) de Rialachán (AE) Uimh. 1380/2013, féadfadh na cainníochtaí speiceas seo a leanas a aiscur de bhun Airteagal 15(4), pointe (c) de Rialachán (AE) Uimh. 1380/2013:

- maidir le hainseabhaithe, sairdíní, ronnaigh Atlantacha agus bolmáin, suas le 5 % de ghabhálacha bliantúla iomlána na speiceas sin a ghabhann soithí a úsáideann tráil mheánuisce agus peaslionsa saighne sa Mheánmhuir Thiar (FLGanna 1, 2, 5, 6, 7, 8, 9, 10, 11.1, 11.2 agus 12);
- maidir le hainseabhaithe, sairdíní, ronnaigh Atlantacha agus bolmáin, suas le 5 % de ghabhálacha bliantúla iomlána na speiceas sin a ghabhann soithí a úsáideann tráil mheánuisce i Muir Aidriad (FLGanna 17 agus 18);
- maidir le hainseabhaithe, sairdíní, ronnaigh Atlantacha agus bolmáin, suas le 3 % de ghabhálacha bliantúla iomlána na speiceas sin a ghabhann soithí a úsáideann peaslionsa saighne i Muir Aidriad (FLGanna 17 agus 18);
- díolúine de minimis maidir le hainseabhaithe, sairdíní, ronnaigh Atlantacha agus bolmáin, suas le 1 % de ghabhálacha bliantúla iomlána na speiceas sin a ghabhann soithí a úsáideann tráil mheánuisce in oirdheisceart na Meánmhara (FLGanna 15, 16, 19, 20, 22, 23 agus 25);
- maidir le hainseabhaithe, sairdíní, ronnaigh Atlantacha agus bolmáin, suas le 3 % de ghabhálacha bliantúla iomlána na speiceas sin a ghabhann soithí a úsáideann peaslionsa saighne in oirdheisceart na Meánmhara (FLGanna 20, 22 agus 23);
- maidir le hainseabhaithe, sairdíní, ronnaigh Atlantacha agus bolmáin, suas le 1 % de ghabhálacha bliantúla iomlána na speiceas sin a ghabhann soithí a úsáideann peaslionsa saighne in oirdheisceart na Meánmhara (FLGanna 15, 16, 19 agus 25).

⁽⁷⁾ Rialachán (AE) Uimh. 1343/2011 ó Pharlaimint na hEorpa agus ón gComhairle an 13 Nollaig 2011 maidir le forálacha áirithe i ndáil le hiascaireacht i limistéar Chomhaontú CGIM (An Coimisiún Ginearálta Iascaigh don Mheánmhuir) agus lena leasaítear Rialachán (CE) Uimh. 1967/2006 ón gComhairle maidir le bearta bainistíochta do shaothrú inbhuanaithe acmhainní iascaigh sa Mheánmhuir (IO L 347, 30.12.2011, lch. 44).

*Airteagal 4***Teacht i bhfeidhm agus cur i bhfeidhm**

Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige ón 1 Eanáir 2024 go dtí an 31 Nollaig 2027.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, an 22 Lúnasa 2023.

Thar ceann an Choimisiúin

An tUachtarán

Ursula VON DER LEYEN
